

Cartas nordic



Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2018

■ **Sisimiut, Groenlandia:** 75 kilometros al nord del circulo polar, al costa west, se trova Sisimiut. Illo es le secunde plus grande urbe in Groenlandia con plus que 5.500 habitantes. Le climate es arctic con temperaturas usque minus 35 grados durante le hiberno e usque plus 20 grados durante le estate. Le urbe es le plus sud, ubi cursas in slitta a canes es possibile – e solmente in certe periodos del annos. In le fundo del longissime fiord – 132 km verso est – se trova le aeroporto le plus grande del enorme insula, Kangerlussuaq. Pesca es le industria le plus grande in Sisimiut, cuje casas de ligno es pingite in colores vivide. Sur le rocca es situate le belle, rubie ecclesia de ubi on ha un meraviliose vista panoramic verso le porto e le mar.

Texto e photo: Thomas Breinstrup

Questiones

1. Quanto grande es Sisimiut?

2. Ha il temperaturas constante in Sisimiut?

3. Qual typo de labor es le plus frequente in Sisimiut?

4. Que deveni impossibile, quando on va al sud de Sisimiut?

5. Reguarda le photo con un del stratas principal in Sisimiut. Describe lo que tu vide, per favor.
